


史要籍彙編

續資治通鑑長編



海古籍出版社

(宋) 李 燾 著
(清) 黃以周等輯補

續資治通鑑

長編

附拾補

二

續資治通鑑長編卷一百三十一

宋 李燾 撰

仁宗

慶祿元年二月辛巳夏竦言昨韓琦尹洙赴闕與兩府大臣議用攻策絲涇原鄜延兩路進討又鄜延走馬承受安儀言故綏州去延州東路長甯寨四十里皆舊日驛路寬平乞初春先令延州諸將併力趨綏州盪除賊界撫甯和市場義合鎮茶山一帶人戶近蒙朝廷調發軍須不少今范仲淹卻奏王師若自涇原鎮戎入界則臣令保安金明并東路延州環慶等州整兵耀武爲入界之勢使綏宥銀夏一帶賊兵不敢西去自保鄜延一路況已降下出師日月而仲淹所議未同臣尋令尹洙往

續資治通鑑長編

卷一百三十一

一

延州與仲淹再議而固執前奏未肯出師近投來人杜文廣稱賊界間諸路入討只聚兵一路以敵王師今兩路協力分擊要害尙慮諸將晚進士卒驕怯未能大挫點虜若只令涇原一路進兵鄜延卻以牽制爲名盤旋境上委涇原之師以嘗聚寇正墮賊計又近據涇原部署司申正月二十五日都監桑懌與蕃官郭拜四人相見約二十八日設誓卻要歸順朝廷此賊若非懼見進討即欲暫款漢兵大爲奔突之計乞早差近上臣僚監督鄜延一路進兵同入賊界免致落賊姦便詔以竦奏示仲淹

甲申以應方略人郊社齋郎邱良孫權耀州觀察推官布衣邵亢權邠州觀察推官亢嘗舉制策報罷於是獻

卷一百三十一 起仁宗慶祿元年二月盡是年四月

一一八三

康定兵說與良孫俱得試用始令孤挺獻書五十篇詔藏祕閣良孫竊其三篇上之館閣校勘歐陽修知其事欲出祕閣本以正良孫罪既而不果此據畢仲游令孤挺稟良孫事略不同今並不取陝西轉運使龐籍言元昊父子受國大恩一朝背叛今朝廷定議討伐以正逆順實合大義然此時興舉須爲萬全之策臣爲用兵之道必先度我將既良我士既銳然後料敵之虛實乘其釁隙而一舉之去秋鎮戎之戰依城壁據根本以主待客而諸將或中傷而退或閉城不出其士卒絕無用命赴敵之心使殘毒人命剽劫財物從容進退如入無人之境可謂將不良士不銳矣元昊君臣之閒未聞釁隙劉平等陷沒之後邊城人心日夕惴慄幸即更張

續資治通鑑長編

卷一百三十一

二

軍政比來士氣漸振儻復一出不利則眾意愈惛心難再奮也況出界之後山川道路我軍素未經涉須以蕃部爲鄉導則其姦詐不可不防若至險隘之處部伍輜重首尾遙遠忽有伏兵鈔掠則必潰散況黃德和敗手下潰兵不多至今招輯未獲若數萬眾更潰而不敢歸則益生邊患不細臣竊度廟議以大兵屯聚已久上費國力下困生民欲決於攻取之計其如將佐士卒未能如意或且爲歲月持守之備汰去冗兵只留精銳在邊數少則費用日寬兵精則足以禦捍賊地所產之物嚴法以絕之使不得與邊人市易既劫掠無所得貨利無所通其勢必日蹙如更益練將卒俟其釁隙可乘然後大舉庶幾有萬全之策也惟聖心裁擇

乙酉涇原路走馬承受崔宣言元昊遣人至邊請和上謂輔臣曰賊多詭計欲懈我師爾宜詔逐路部署司益嚴守備

丙戌邠延路走馬承受安儀言元昊執送塞門寨主高延德至保安軍詔令赴京師時范仲淹已遣延德還夏州矣陝西簽書經略安撫判官田況言昨夏竦等爲累奉詔以老師費財慮生他變令早爲經畫以期平定故韓琦等入奏畫攻守二策以稟聖算其守策最備可以施行不意朝廷便用攻策今一旦稟命不敢持兩端非有宿定之謀必勝之勢倉卒牽合殊無紀律昔繼遷屢擾邊陲太宗親部分諸將五路進討或遇賊不擊或戰而還又嘗令白守榮馬紹宗護送糧餉於靈州諸

續資治通鑑長編

卷一百三十一

三

將多違詔自奮蒲洛河之敗死者數萬人今將帥士卒素已懦怯未甚更練又知韓琦尹洙同建此策恐未甚稟服臨事進退有誤大舉請以一事驗之如師行有期便須協力今邠延路部署司葛懷敏等須索百端料其必不能應副足以爲辭此不可者一也計者以爲賊常併力而來我常分兵以禦眾寡不敵多貽敗衄今若全師大舉必有成功此思之未熟耳夫三軍之命繫於將帥人之材有大小智有遠近以漢祖之善將不若淮陰之益善況庸人乎今徒知大眾可以威敵而不思將帥之材否此禍之大者也兩路八十餘萬人庸將驅之若爲舒卷賊若據險設伏邀截衝擊首尾前後勢不相援則奔潰可憂今邊臣所共獎者朱觀王珪桑懌爾近於

續資治通鑑長編

卷一百三十一

四

鎮戎軍出界劉璠定川兩路西賊境中生聚牛羊皆遷徙遠去惟空閑族帳守者二三百人輒來抗敵諸將奔走駭亂幾不自免部隊前後不復整齊兵甲械用大爲攘奪今兩路齊入併當劇賊若不利則邊防莫守別貽後患安危之計決於一舉此不可者二也自西賊叛命以來雖屢乘機會然終不敢深寇郡縣以饜其欲者非算之少也蓋以中國之大賢俊之盛甲兵之眾未易可測今我師深入若無成功大國威靈益爲彼輕況我別墮姦計以致他虞此不可者三也計者又云將帥之間雖未足倚下流勇進或有其人自劉平石元孫陷沒士氣挫怯未能勇奮今兵數雖多疲懦者眾以庸將驅怯兵入不測之地獨近下使臣數輩干賞蹈利欲邀奇功未見其利此不可者四也計者又云非欲絕深沙磧以窮妖巢但淺入山界以挫賊氣如襲白豹城之比臣爲乘虛襲掠旣不能破戎首拉凶黨但殘戮孱弱以厚怨毒誠非王師弔伐招徠之體然事出無策爲彼之所爲亦當霆發電逝往來輕速以掩其不備今興師十萬鼓行而西賊已巧爲計謀盛設隄備清野據險以待我師何襲挫之有此不可者五也自元昊寇邊人皆知其誅賞明計數點今未有閒隙之可窺而暴爲興舉如此計者但欲決勝負於一戰幸其或有所成否則願自比王恢以待罪勇則勇矣其如國事何此不可者六也昨范仲淹奏且乞朝廷敦包荒之量存此一路令諸將勒兵嚴備賊至則擊但未行討伐容示以恩意歲時之閒

或可招納今年尹洙到延州商量仲淹堅執前奏未議
出師若使涇原一路獨入則孤軍進退憂患不淺今諸
處探到事宜多言吳賊俟我師諸路入界則併兵一路
以敵與投來人杜文廣所說相同此正陷賊計中此不
可者七也以臣所見夏竦韓琦尹洙同獻此策今若奏
乞中罷則是前後自相違異殊無定算欲果決進討則
又仲淹執議不同或失期會乞召兩府大臣定議但令
嚴設邊備若更有侵掠即須出兵邀擊以摧賊勢如復
怯懦容賊殺掠當以軍法從事或探得賊界謹自守備
不必先有輕舉恐落姦便如此則全威制勝有功而無
患也然自議攻討以來賊中呼集配類廣爲守防遷徙
勞擾未嘗少安至今卻有通款之意亦不可爲之無益

續資治通鑑長編

卷一百三十一

五

至於驢畜軍須之物虛煩調發卻欲罷兵亦是事之小
者臨時分擘處置亦不爲難所顧者安危大計爾乞密
降朝旨下都部署司出田況新傳云於是罷陝西經路
安撫副使韓琦言累準詔問促令進兵及令分析向去
有何方略授與諸路即委不誤事遂與夏竦參定攻守
二策臣探知冬月吳賊未能舉動之際兼程赴關求對
進呈乞賜裁擇下兩府大臣相議只取攻策施行臣屢
曾面奏茲事體大繫於安危若陛下決知可攻兩府大
臣主議不變或能集事今日方歸本司而橫議日騰朝
聽已惑攻刺之說比已劄下朝廷舉大事主大謀自當
堅如金石無有回易特降詔旨激勵將士沮軍者約行
古法今乃深憂重慮必謂無成況鄜延路范仲淹意在

續資治通鑑長編

卷一百三十一

六

招納更不出兵雖具奏問乞依元策假若朝廷強之使
進終是本非已謀將佐聞之必無銳志今已春月將半
漸有暑氣必難進兵臣比來奉行成算非是年壯氣銳
慮不及遠幸而求勝以誤國家誠以吳賊據數州之地
精兵不出四五萬餘皆老弱婦女舉族而行陝西四路
之兵雖不爲少即緣屯列成寨勢分力弱故賊始犯延
安生擒二將屠掠無數者蓋劉平石元孫聚一路之兵
拒之纔及九千而已去歲秋末復有鎮戎之敗劉繼宗
等分兵捍禦不滿萬人比援兵之至賊已捷歸是則彼
勢常專我力常散今中外不究此失遂乃待賊太過屯
二十萬重兵只守界壕不敢與敵中夏之弱自古未有
聞臣僚堅執守議以爲必勝之術者臣恐數失塞堡邊
障日虛士氣日喪賊乘此則有吞陝右之心加以興師
以來科斂萬計民已大困配率不止去年秋稔尙窘急
如是忽有水旱其何以堪臣近過邠乾涇渭等州所至
人戶經臣有狀稱爲不任科率乞行減放內潘原縣郭
下西絹行人十餘家每家配借錢七十貫文哀訴求免
國用削弱乃至於此緣轉運使計無所出臣是以不敢
邀愛民之譽直行放免恐相矛盾上煩朝廷臣恐一二
年間經費益蹙人情惶駭師老思歸及期無代每慮至
此臣難盡言望陛下省羣臣之難一爲大事之當謹知
其異議已阻師期且令諸路置辦軍須訓練兵馬俟及
秋初若仲淹招懷未見其效則別命近臣以觀賊隙如
須討擊即乞斷在不疑克日降旨則庶事易辦便可進

兵朝廷終難之

此疏家傳有之他書無有今附田況七

錄故太子中允

祕閣校理石延年子濟為太廟齋郎

延年與天章閣待制吳遵路同使河東及卒遵路為言

於朝特恤之

中書言京畿及京西民閒妄傳朝廷招

選女口入宮其扇搖者須聽人陳告配隸遠處牢城從之

先是朝廷欲發涇原鄜延兩路兵討賊議未決詔環

慶副部署任福乘驛詣涇原計事會經略安撫使韓

琦行邊趨涇州而謀者言元昊聞兵戢章會謀寇渭州

己丑琦亟趨鎮戎軍盡出其兵又募敢勇凡八千人使

福將以擊賊涇原駐泊都監桑懌為先鋒鈴轄朱觀涇

州都監武英繼之行營都監王珪參軍事耿傳皆從琦

面授福等方略令并兵自懷遠城趨德勝寨至揚博隆

續資治通鑑長編

卷一百三十一

七

城出賊之後諸寨相距僅四十里道近且易芻糧足供

度勢未可戰則據險設伏待其歸然後邀擊之福等就

道琦亦至城外重戒之翌日福自新壕外分輕騎數千

趨懷遠城納克隆川遇鎮戎軍西路都巡檢常鼎同巡

檢內侍劉肅與賊兵一溜戰於張家堡南斬首數百賊

棄馬羊橐駝伴北懌引騎追之福亦分兵自將踵其後

薄暮福懌合軍屯好水川朱觀武英為一軍屯龍落川

隔山相距五里約明日會兵不使賊得逸去邏者傳賊

兵少故福等輕之路益遠芻糧不繼人馬已乏食三日

福等不知賊之誘也悉力逐之癸巳至龍竿城北遇賊

大軍循川行出六盤山下距揚博隆城五里結陣以抗

官軍諸將乃知墮賊計勢不可留因前接戰懌馳犯其

鋒福陣未成列賊縱鐵騎衝突自辰至午陳動眾傳山

欲據勝地賊發伏自山背下擊士卒多墮崖塹相覆壓

懌肅戰死賊分兵數千斷官兵後福力戰身被十餘矢

有小校劉進者勸福自免福曰吾為大將兵敗以死報

國耳揮四刃鐵簡挺身決鬪槍中左頰絕其喉而死福

子懷亮亦死之先是琦命渭州都監趙律將瓦亮騎兵

二千二百為軍後繼是日與觀英會兵於姚家川福既

死賊并兵攻觀英等戰既合珪自揚博隆城以屯兵四

千五百來陣於觀英西屢出略陣堅不可破英重傷不

能視軍自午至申賊兵益至東偏步兵先潰眾隨大奔

英律珪傳皆死之監揚博隆城酒稅營斌陝酒部押兵

士李簡柔遠寨主王慶鎮戎軍監押李禹亨三川寨監

續資治通鑑長編

卷一百三十一

八

押劉鈞俱沒於陣指使及軍校死者數百人軍士死者

六千餘人唯觀英以餘眾千餘人保民垣四嚮縱射會暮

夜賊引去涇原部署王仲寶亦以兵來援與觀英俱還民

垣距福敗處才五里然不相聞也始珪望見福麾幟尚

在賊圍中欲援出之軍校有顧望不進者珪斬以徇乃

東望再拜曰臣非負國力不能也獨有死爾乃復進戰

擊殺數百人鐵鞭至撓曲手掌破裂猶奮身躍馬三中

箭三易馬最後得其下馬左右馳擊又殺數十人飛矢

中其目遂死英知必敗勸傳避去傳不答英歎曰英當

死君文吏無軍責奈何與英俱死觀亦戒傳少避賊鋒

而傳愈前不顧身被數創乃死前一夕傳在觀營夜作

書遺福以其日小勝前與賊大軍遇深以持重戒之自

寫題觀名以致福軍中傅死後或言福之敗由傅督戰
太急福等既違節度雖死不足與既而福隨軍孔目吏
彭忠得傳戒福書共白琦琦即奏之尹洙為作憫忠辨
誣二篇實錄云韓琦奏今月十二日福等敗於好水自
食三日蓋奔初十四日出軍十一日戰也實錄云其馬乏
軍隔山分屯不應言已食三日也今從尹洙集方
元昊傾國入寇而福所統皆非素撫循之師臨敵受命
法制不立既又分出趨利故至甚敗奏至上深悼焉
丁酉贈馬軍都虞候賀州防禦使任福為武勝軍節度
使兼侍中禮賓副使王珪為金州觀察使趙律為密州
觀察使武英為邢州觀察使內殿崇班閤門祇候桑懌
為解州防禦使內殿崇班訾斌為成州團練使左侍禁
續資治通鑑長編卷一百三十一

九

閤門祇候李簡為惠州團練使西頭供奉官左侍禁李
禹亨為澤州刺史內侍殿頭劉肅為丹州刺史右侍禁
劉鈞為右屯衛將軍萬州刺史右班殿直唐忠為右屯
衛將軍欽州刺史將作監丞耿傳為右諫議大夫鎮戎
軍指使御前忠佐王貴為復州防禦使劉千為和州防
禦使駐泊神衛指揮使白興為慈州團練使渭州指使
神騎副都指揮使楊玉為澧州刺史追封其母妻及甄
錄子孫各有差賜福金順坊第一區購物甚厚又月給
其家錢三萬粟麥各四十斛唐忠不知以何職事死于都
官巡檢督戰肅死事贈
戊戌詔學士以下至知雜御史諸路轉運使提點刑獄
各舉殿直以下有材武或曉知錢穀無賊罪者以聞

知成德軍龍圖閣直學士給事中任布言臣父贈官已
至工部侍郎而猶衣綠欲望自今贈官至正郎者其畫
像許服緋至卿監許服紫從之河南府言工部侍郎
王巖卒贈戶部尚書諡忠穆是日西賊再寇劉瑋堡
忠正節度使壽國公昕暴得疾帝憂甚集京城知方
書者與太醫治之司天言月掩心前星帝慘然垂涕己
亥薨贈太師中書令豫王諡悼穆命端明殿學士李淑
護喪事陪葬永定陵納旌節符印於壙中帝自制輓辭
葬期以五月且厚為之禮知諫院孫洵言啟土礪山期
日迫卒難就非特此也自元昊盜邊三司力屈今一品
之葬其飾頗繁而祔葬者復眾非五十萬計不可是又
益一邊費也元昊之窺中國久矣以水旱不調謂得天
續資治通鑑長編卷一百三十一

十

時以將帥不和為合人事如因我之役工倉猝之際悉
力幸災以驚邊吏則重為陛下憂豈不可慮願緩葬期
以俟西事之定書凡再上不報時帝悼王甚人莫敢言
而洵獨言之豫王之喪宗室既就奠又拜伏於位知
大宗正事允讓獨致哀而止人以為得禮
始朝廷既從陝西都部署司所上攻策經略安撫判官尹
洙以正月丙子至延州與范仲淹謀出兵越三日仲淹徐
言已得旨聽兵勿出洙留延州幾兩旬仲淹堅持不可辛
丑洙還至慶州乃知任福敗績賊侵劉瑋堡未退因遣權
環慶路都監劉政將銳卒數千往援未至賊引去夏竦
尋劾奏洙擅發兵降通判濠州范仲淹去年十二月未
監不知何時遷改詔京東西淮南兩浙江南東西

荆湖南北路招軍宣毅軍大州兩指揮小州一指揮爲
就糧禁軍先是河東北陝西與京東西皆增募鄉兵其
後遍合天下各增募額外弓手於是始立宣毅軍額以
統之惟陝西仍故號爲保捷兩河強壯雖別名義勇亦
有隸宣毅者募額外弓手及天下此據張方平所陳
後正史實錄湖廣等書皆闕之今附見蓋所招宣毅軍
其軍士卽去年增募額外弓手也孫沔亦有乞放江浙
荆湖鄉弓手初募額外弓手著作佐郎通判睦州張
方平上利害八事其一曰敕文逐縣除舊管弓手外據
見管主戶每一千戶差點弓手五十人一萬戶五百人
如不滿千戶及萬戶以上據今所定分數比量點差者
伏以天下大縣有及五六萬戶者若縣管主戶五萬則
所差二千五百人非惟人數過多民力煩敝或地處遠

續資治通鑑長編

卷一百三十一

上

險或歲逢薦饑或守令非人或姦猾乘隙聚兵資寇亦
不可以不過慮也欲乞諸萬戶以下縣所差人數一如
敕文處分卽萬戶以上亦以五百人爲止緣雖小縣不
可以無備雖大縣選兵五百亦足以自衛矣如此則輕
重之勢平臂指之力均矣其二敕文其弓手須見管帳
籍主戶差點者只如臣州管內戶籍有升降帳有桑功
帳並歲上于戶部升降帳所管主戶二萬二千三百有
餘此蓋官吏受俸約此戶口數也桑功帳所管主戶三
萬七千六百有餘此乃州縣戶口歲有增益之數也州
縣賦役各有五等戶版簿常所切用竊慮逐處拘于帳
籍二字致有點差異同欲乞明降處分州縣止以見用
五等版簿見管主戶數爲準則天下之役均焉其三敕

文所差點弓手其第四第五等戶如委實貧闕雖有丁
數卽不得一例點差者乞令諸州縣先從物力丁數最
高強戶點差第一等不足卽差第二等第二等不足卽
差第三等比並資產丁行高強者點定所有合供州縣
色役依舊輪流差遣見供州縣色役者暫免弓手已畢
役者卽充弓手非惟先富強而寬平弱夫高貴之人各
有護惜家鄉親愛之意故必重於犯法至於合用器仗
亦有力置用各得精好自然天下點差事體均當其四
敕文令逐縣創置教場每歲起十月後至正月終當分
番勾集教閱自教閱時每人支口食米二升者十月後
雖是農隙集教日長民亦不易又約計逐歲人且支米
二石四斗今諸州縣倉廩除上供外留州支遣例少儲

續資治通鑑長編

卷一百三十一

上

蓄卽如臣州在兩浙中戶口不多所差點弓手若據主
戶實數猶近二千人數例支給口食歲支米四千八百
石將多補少計天下支費其數不啻百萬斛若令逐縣
所點弓手便作三番教習時卽支與口食已教放歸便
截日住支卽如三千戶縣弓手一百五十人每番五十
人赴教每歲習四十日而已人不失業官不費儲是減
天下糧食之費三分之二也其五敕文自教閱時量借
甲弩器械教習披帶教罷便仰管轄官員收納入庫其
弓箭刀鋸及木槍桿棒之類卽許自置以備本鄉村教
習者夫奮挺揭竿猶足以資嘯聚之勢況人知鬪戰家
有利兵不可放也請令逐人所置弓箭器械各自標認
悉納州縣每當教閱又遇有盜賊勾抽會合之時據數

給付事畢隨納常令官吏點檢其有損動卽番次給出各令修換其六敕文所差弓手每五百人內選差會武藝有身手者一名充指揮使者伏以內地州縣與河朔不同河朔所置鄉軍本備戰守之用故依軍法立爲階級以相攝制又逐州軍各屯強兵勢足彈遏今內地州縣人不習兵但財力相維富役貧強暴寡其兼并豪猾之民居常猶吞噬貧弱爲鄉邑害況公許之相制平夫能爲五百人長必鄉里大猾者非惟爲貧弱之暴更且有患之大者彼前世之大寇乘饑饉之聲奮臂猶足以爲天下患況使之有素練之士甲兵之利乎茲事大有安危之勢焉請令所點弓手每十人團爲一甲置節級一人使歲一替換依次更番補充其指揮使之名伏乞

續資治通鑑長編

卷一百三十一

三

省去逐甲人少則節級易爲拘管呼集更番充補則不相攝服亦馭民之上策也其七敕文所點弓手須是少壯者充與免戶下諸雜差配伏以天下州縣人戶大抵貧多富少逐縣五等戶版簿中等以上戶不及五分之一第四等五等戶常及十分之九故國家諸雜賦役每於中等以上差科所以惠貧弱也今富強之家盡占爲弓手卽諸雜科配悉出於貧弱儻又姦吏因緣騷擾卽縣鄉益困若分番教習每歲赴教止四十日而官與之食富強之家未爲有損而乃虛免差配貽患下戶欲乞令州縣諸雜差配一切仍舊但嚴行條約所差弓手除教閱外州縣不得妄有勾抽差借諸般追役或有強惡賊徒結成羣黨勾抽會合之時亦只許隨近勾點令佐

親自部勒掩逐不得令公人押領淹延團聚如長役弓級者壯等一例監捕之法若縣鄉小小盜賊持仗竊盜非羣行攻劫者亦不得擅行勾抽免致官吏接便恣意聚散卽其受利過于免差配之惠也其八每歲教閱之時乞令逐州知州通判一次巡行諸縣以按閱之或所點人非壯健器械不完利行列不整訓習不精移易簿帳減削糧食諸事其逐縣令佐各行勘罰其弛慢甚者具事聞奏嚴加黜責方平所議如此然當時不能盡用也方平所陳八事當在康定元年十月後蓋富源奉使江淮等路當時既去執政別因京東十月後蓋富源奉使長平書遇行天下故方平有此疏其論因取六月甲辰亦曾募弓手亦置宣毅軍此獨無所繫且十一月之建偶又不詳存方平疏必具載此既欲尋當時額外弓手事迹故並存之六月壬寅八月辛巳明年四月丁酉

續資治通鑑長編

卷一百三十一

四

癸卯徙鄜延副都部署葛懷敏爲涇原副都部署王仲寶爲環慶副都部署范仲淹言懷敏猾懦不知兵也甲辰詔文武官受任于外者毋得因臨遣之際面祈恩澤

丙午京師雨藥

豫王之薨止放百官朝會連值休假三月庚戌朔始詔輟視朝五日祕書丞通判同州蔣偕催促陝西計置糧草初遣內侍王克恭議塞澶州決河克恭請先治金隄繼遣戶部副使楊告與內侍押班劉從愿往規度告等請乘歲稔塞橫壠而龍圖閣直學士姚仲孫罷河北都轉運使入奏利害曰臣行大河自橫壠以及澶魏

德博滄州兩隄之間或廣數十里狹者亦十餘里皆可以約水勢而博州延輯兩隄相距才二里隄開扼束故金隄潰直于延輯南岸上自長尾道下屬之朱明口治直隄兩隄相距可七里行視隘塞皆開廣之又于隄之外起商胡埽至魏之黃城治角直隄則水緩而不迫可以無滿悍之憂臣之所陳其利有八一日水不迫魏二日河不憂徙而貝冀滄景安三日延輯無壅則隄不危四日橫壠罷大役五日橫壠不塞則河水不蓄大韓埽六日諸埽無他虞七日河事寬則人工省八日阻水險以捍蔽京師議既上詔京東河北轉運使巡河使臣知天津軍李迪權利害而迪言閉橫壠功費大恐不可就宜修金隄以禦下流帝然其策于是詔權停修決河仲

續資治通鑑長編卷一百三十一

五

孫初以河北都轉運使權知澶州河環明公埽絕浮橋仲孫親總役隄上埽一夕復完權知大名府夜領禁兵塞金隄決是歲澶魏雖大水民不及患仲孫傳魏二事辛亥降知鎮戎軍崇儀使忠州刺史朱觀為供備庫使時韓琦奏好水川之役觀雖力戰拒賊官軍死傷者亦多請降官且留在任以責後效也甲寅鄭延部署許懷德為本路副都部署丙辰詔禮部貢舉自今舉人毋得以進獻邊機及軍國大事為名妄希恩澤任福等既敗朝議因欲悉罷諸路行營之號明示招納使賊驕怠仍密收兵深入討擊詔范仲淹體量士氣勇怯如不至畏懦即可驅策前去乘機立功仲淹言任福已下勇于戰鬪賊退便追不依

韓琦指縱因致陷沒此皆邊上有名之將尚不能料賊今之所嚮往往不及更令深入禍未可量大凡勝則乘時鼓勇敗則望風喪氣不須體量理之常也但邊臣之情務誇敢勇恥言畏怯假使真有敢勇則任福等數人是也而無濟於國家孫子曰勝兵先勝而後求戰敗兵先戰而後求勝今欲以重兵密行軍須糧草動數萬人呼索百端非一日可舉如延州入賊界二百餘里營陣之進須是四程況賊界常有探候兼扼險隘徒言密切可無喧聞其行營名目切恐虛有廢罷自古敗而復勝者蓋將帥一時之謀我既退剴彼必懈慢乘機進戰或可圖之昨山外賊退之時本處兵少兼闕將帥所以不能舉動近據慶州申郝仁禹等領兵入界亦多輸折蓋

續資治通鑑長編卷一百三十一

六

賊扼險要以寡擊眾而致也臣愚以為報國之仇不可倉卒昔孟明之敗三年而後報殺之役孫子曰王不可以怒而興兵將不可以愠而致戰合於利而動不合於利而止故明主謹之良將警之安國之道也又曰利而誘之怒而撓之引而勞之今賊用此策不可不知若乘盛怒進兵為小利所誘勢散我師則其落賊策中患有不測或更差失憂豈不大自古用兵之術無出孫子此皆孫子之深戒非臣之能言也以臣所見延州路乞依前奏且修南安等處三兩廢寨安存熟戶并弓箭手以固藩籬倘彼巢穴他日賊大至則守小至則擊有閑則攻方可就近以擾之出奇以討之然復寨之初猶慮須有戰鬪比之入界其勢稍安其諸路並乞且務持重訓

練奇兵先乞相度德靖寨西至慶州界環州西至鎮戎軍界擇要害之地堪為營寨之處必可久守則進兵據之其側近蕃族既難耕作且懼殺戮又見漢兵久駐可倚賊不能害則去就之閒宜肯降附庶可奪其地而取其民也若只鈔掠而回不能久守側近蕃族必無降附之理今乞且未進兵必恐虛有勞敝守猶慮患豈可深入臣非不知不從眾議則得罪必速奈何成敗安危之機國之大事臣豈敢避罪于其閒哉臣非不能督主兵官員須令討擊不管疎虞敗事之後誅之何濟惟聖慈念之廊延路罷行營文字臣且令部署許懷德收掌別聽朝旨臣一面依此關報夏竦韓琦商量申奏如所議未合乞朝廷取捨臣方待罪不敢久冒此職妨誤大事

七

續資治通鑑長編卷一百三十一

從之於是行營之號卒不能兵亦不復出按仲淹奏議此議以三月七日奏

戊午詔如聞江南民間妄言各戶二丁以上皆徙耕陝西遠方貧民或已逃避山谷閒亦有舉息於人買田自占者故兼并之家擇戶下瘠土移于貧民宜許人陳告給賞錢五十千犯者奏裁

丁卯賜汴口役卒緡錢

元昊始僭兵未動也朝廷即欲討之著作佐郎通判睦州張方平上言國家自景德以來既與契丹盟天下忘備將不知兵士不知戰民不知勞殆三十年矣若驟用之必有喪師蹙將之憂兵連民疲必有盜賊意外之患當含垢匿瑕順適其意使未有以發得歲月之頃以其

閒選將勵士堅城除器為必可勝以待之雖元昊終于必叛而兵出無名吏士不直其上難以決勝小國用兵三年不見勝負不折則破我以全制其後必勝之道也方平所議蓋與吳育同而議者皆不為然兵既交天下騷動方平又獻平戎十策大約以為邊城千里我分而賊專雖屯兵數十萬然賊至常以一擊十必敗之道也既敗而圖之則老師費財不可為己宜及民力之完屯重兵河東示以形勢賊入寇必自延渭而興州巢穴之守虛我師自麟府渡河不十日可至此所謂攻其所必救形格勢禁之道也宰相呂夷簡見之謂參知政事宋綬曰六科得人矣然不果用其策于是召對賜五品服諭執政令試學士院俄而曰是再對制策者復何試辛

六

續資治通鑑長編卷一百三十一

已除直集賢院尋遷太常丞知諫院據哲宗實錄新舊初議與吳育同獨載其平戎十策且言夷簡悉用之按蘇軾志方平墓則云元祐五年五月方平為宰相宋綬在九月為參政呂夷簡云宰相呂夷簡則方平所獻十策當在康定元年五月以後恐太緩今且從墓誌更當考之方平知諫院實錄不記其時今附此當是代梁適在六月間會要禁約篇載方平以八月初除在六月間也其自任承乏諫省亦不不知御前忠佐管勾鎮戎軍蕃漢都指揮使事是何時

向進領忠州刺史以護邊有勞又其三子皆與賊戰沒也

乙亥以汴流不通遣知制誥聶冠卿祭河瀆廟內侍押班藍元用祭靈津廟

夏四月庚辰以嘉勒斯賚進奉人蘭章家軍主策拉諾爾為珍州刺史

辛巳降陝西經略安撫副使樞密直學士起居舍人韓琦爲右司諫知秦州職如故任福軍敗琦卽上章自劾諫官孫沔等請削琦官三五資仍居舊職俾立後效會夏竦奏琦嘗以檄戒福貪利輕進於福衣帶閒得其檄上知福果違制度取敗罪不專在琦手詔慰撫之及是乃奪琦使權孫沔奏議云因責范仲淹乃例罷琦使權責琦蓋琦已責堯臣復言之事見六月己亥

壬午陝西都轉運使禮部郎中天章閣待制龐籍爲龍圖閣直學士知延州兼鄜延路部署司事屯田員外郎劉渙直昭文館爲秦隴路招安蕃落使會要招安作招撫還自青唐得嘉勒斯賚誓書及西州地圖以獻故有是命尋改爲陝西轉運副使兼秦隴招安蕃落使仍令渙續資治通鑑長編卷一百三十一

諸策拉諾爾所告諭嘉勒斯賚舉兵取西涼府
癸未降陝西經略安撫副使兼知延州龍圖閣直學士
戶部郎中范仲淹爲戶部員外郎知耀州職如故始韓
周等持仲淹書入西界逆者禮意殊善行旣兩日聞山
外諸將敗亡周等抵夏州留四十餘日元昊俾其親信
葉勒旺榮爲書報仲淹別遣使與周俱還且言不敢以
聞烏珠書辭益慢仲淹對使者焚其書而潛錄副本以
聞書凡二十六紙其不可以聞者二十紙仲淹悉焚之
餘又略加刪改書旣達大臣皆謂仲淹不當輒與元昊
通書又不當焚其報呂夷簡詰周不稟朝命擅入西界
周言經略專殺生不敢不從坐削官監通州稅宋庠因
言于上曰仲淹可斬也杜衍曰仲淹本志益忠于朝廷

欲招納叛羌爾何可深罪夷簡亦徐助衍言知諫院孫
沔又上疏爲仲淹辨上悟乃薄其責孫沔救仲淹此據
麻按高延神道碑乃云無書以仲淹與延州吳書可考也畢
元昊有書蓋因韓周使歸日記所載當得其實呂夷簡
面詰韓周師必已先遣仲淹師或朝廷追其高使還雖
詔延德俱不知延德復還或否也果復還且赴京師亦
無書元昊所遣使與韓周俱還者要未嘗到闕下也葉
勒旺榮事名此據元昊傳事蓋與日記略同但實錄正
皆不詳爾

甲申以資政殿學士右諫議大夫陳執中爲工部侍郎同陝西都部署兼經略安撫緣邊招討等使知永興軍仍詔夏竦判永興軍如故徙秦鳳副都部署知秦州定國留後曹琮爲陝西副都部署兼經略安撫緣邊招討副使琮在秦州前後凡四年劉平石元孫之敗關輔續資治通鑑長編卷一百三十一

震恐琮請籍民爲義軍以張兵勢於是科簡鄉弓手數萬人賊寇山外還天都劫儀秦屬戶琮發騎士設伏以待之賊遂引去琮欲誘吐蕃犄角圖賊得西州舊賈使諭意而沙州鎮國王子遣使奉書曰我本唐甥天子實吾舅也自党項破甘涼遂與漢隔今願率首領爲朝廷擊賊上善琮策故使副執中尋加步軍副都指揮使琮傳載此三事皆不得其時今附見更續考之除步軍副帥乃五月今已今附見

丙戌環慶鈐轄供備庫使杜惟序領忠州刺史爲陝西鈐轄兼巡警緣邊州軍好水之役惟序領騎兵數千由懷安路破賊三寨斬首數百級獲馬牛千計於是擢用之惟序審瓊曾孫也

己丑契丹國母遣林牙臨海軍節度使耶律仁先吏部

郎中知制誥史館修撰張有契丹主遣左監門衛上將軍蕭福善光祿少卿崇祿館直學士王綱來賀乾元節已亥詔秦州管界諸縣令佐并鎮寨主都監監押巡檢等委陝西都轉運司體量年老昏味懦弱不得力者於轄下選公幹得力使臣對換訖奏如別無可差即具以聞當議選人對替會要康定二年四月二十一日事二改元慶曆故會要十一日已亥也是年十一月郊祀乃

乙巳德音降陝西囚死罪一等流以下釋之諸軍及弓箭手並與特支仍出內庫錢三十萬緡以賜邊民被寇鈔者其親屬孤寡官為賑撫賦役可省者省之官吏有務苛刻誅求者當行嚴典本路進士再舉諸科三舉及曾經御試者免解諸州解額不及十人者增五人十八

續資治通鑑長編

卷一百三十一

三

丙午陳州布衣郭京為大理評事陝西都部署司參謀軍事京少任俠不事家產平居好言兵范仲淹滕宗諒數薦之上召見特命以官建州布衣徐復賜號冲晦處士復初京師舉進士不中退而學易通流衍卦氣法自筮知無祿遂亡進取意游淮浙間以學易為事凡數年益通陰陽天文地理遁甲占射諸家之說他日聽其鄉人林鴻範說詩且言詩之所用於樂者忽若有得因以聲器求之遂悟大樂於七音十二律清濁次序及鐘磬修身匏竹高下制度皆洞達上方留意于樂詔天下求知樂者大臣薦胡瑗瑗作鐘磬大變古法復笑曰聖人寓器以聲今不先求其聲而更其器其可用乎後瑗

制作皆不效范仲淹過潤州見復問曰今以衍卦占之四方無異變乎復對西方當用兵推其日月後無少差於是與郭京俱召見帝問天時人事復對曰以京房易卦推之今年所配年月日當小過也剛失位而不中其在強君德乎帝又問變故與前世何若復對曰如唐德宗居奉天時帝驚曰何至此復曰雖然君德不同陛下無深慮也帝問何故復曰德宗性忌刻好功利欲以兵伏天下其德與凶運會故奔走失國僅乃能免陛下恭儉仁恕不難屈己容納西羌之變起自元昊陛下不得已應之雖兵連不解而神人知非陛下本心時與德宗同而德與之異卦氣雖不祥無他也不久定矣帝稱善又問明年主何卦復曰乾卦用事說至九五盡而止帝

續資治通鑑長編

卷一百三十一

三

又問前年京師黑風何所應復曰其兆在內豫王喪其應也命為大理評事固以疾辭乃賜處士號補其子發試校書郎復性高潔而處世未嘗自異後居杭州十數年卒曾鞏集有徐復傳與實錄正史略不同錄故慶州西谷寨主左班殿直趙福子大有為左班殿直以福與西賊戰沒也以安州復隸荆湖北路詔致仕官之子孫授試銜齋郎年及格者與免選除近便官

續資治通鑑長編卷一百三十一終

續資治通鑑長編卷一百三十二

宋 李燾 撰

仁宗

慶厯元年五月己酉朔詔諸路各置招撫蕃落司以知州通判主兵官兼領之此事實錄殊不記惟此月朔無屬戶事因采田

辛亥詔陝西經略安撫緣邊招討使判永興軍夏竦候

陳執中至領兵出巡邊

乙卯詔以銅錢出外一貫以上為首者處死其為從

若不及一貫河東河北京西陝西人決配廣南遠惡州

軍本城廣南兩浙福建人配陝西其居停資給者與同

罪如捕到蕃人亦決配荆湖江南編管仍許諸色人告

續資治通鑑長編卷一百三十二

捉給以所告之物其經地分不覺察官吏減二等坐之

初權三司使公事葉清臣言朝廷務懷來四夷通緣邊

互市而邊吏習於久安約束寬弛致中國寶貨錢幣日

流於外界比年縣官用度既廣而民間貨易不通方羌

戎為叛指日待誅姦人出入邊關蕩然無禁故於舊條

第加其罪

丁巳御崇政殿錄繫囚雜犯死罪以下遞降一等杖以

下釋之

戊午以右班殿直閤門祇候趙珣為閤門通事舍人陝

西經略安撫招討都監珣初隨其父振在西邊訪得五

路徼外山川邑居道里凡地之利害究其實作聚米圖

經五卷韓琦言於帝詔取其書并召珣至又上五陣圖

兵事十餘篇帝給步騎使按陣既成臨觀之於是陳執

中薦珣為緣邊巡檢使呂夷簡宋庠其奏曰用兵以來

策士之言以萬數無如珣者即擢任之珣自以年少新

進未有功辭都監授兵萬人賜御鎧仗令自擇偏裨參

佐居涇原兼治籠竿城瑪展當羅百餘帳處近寨為暴

珣白府引兵二萬自靜邊歷貴烏抵默甯襲賊俘獲千

計近邊將劉滬殿後為賊所掩珣登阪望見從騎數百

復入拔滬之眾以出士皆歎服轡戢居康古無所屬珣

與書招之遺以綈錦轄戢聽命數事附見恐別有日月

都監按此何官治籠竿城據仲淹奏議慶厯二年二月

五日奏看詳珣所上劉子猶帶都監且云去年十一月

考當龍竿城駐劄則是珣未嘗辭都監也

續資治通鑑長編卷一百三十二

己未代州言陽武寨有北界人侵耕禁地蓋由前寨主

彌文寶等失巡防所致請自今緣邊諸寨有失巡防致

北界侵耕者準透漏賊盜條論罪從之

壬戌詔入內侍省都知內侍省左右班都知比景福

殿使人內侍省都知內侍省左右班都知比景福

宣慶使人內侍省副都知內侍省左右班副都知比

宣政使人內侍省押班如本官諸司使以上者比昭

宣使諸司副使以上並班皇城使之上從閤門所奏也

呂夷簡初入相即升都知押班班次年九月於是三人

又降此詔然未嘗關報御史臺故當時任都知押班者

每遷官則必奏免正衙議者非之先是左正言孫沔

奏太宗初置京朝官考課院即今審官院是也凡中外

守任咸給印紙歷子或功績可紀清白有守過犯度數
舉主姓名盡得書之無所遺俾至闕下赴院磨勘第其
等而升黜之此朝家激勵賢才驅策驚蹇之至術也自
後因循咸以磨勘為轉官之階梯不復有尚功之志節
但居官三周例遷一級雖數有失亦不退覆故士大夫
以無過犯為能是使庸愚不肖之人晏然自得不十年
間坐致員外郎是以居常則朱紫相隨應用則玉石難
辨苟不更張弊轍必恐浸廢政綱臣欲乞今後應京官
升朝官並依舊許三周年一次磨勘如明有理迹廉名
者即與轉官有公私罪者等第降黜無功過者且守舊
資如此足以旌別賢愚永著申令廉勤公幹之士聞之
必激節願行者眾矣更乞差近上臣僚列定格式亦一

續資治通鑑長編

卷一百三十二

三

時之懿範也汚又奏國朝自景德祥符間屢行大禮旁
流慶澤凡文資自帶職員外郎武職自諸司副使以上
每遇南郊及知雜御史刺史以上逐年聖節並許奏蔭
子孫弟姪雖推恩至深而永式未立今臣僚之家及皇
親母后外族皆奏薦略無定數多至一二十人少不下
五七人不限才愚盡居祿位未立襁褓已列簪紳或自
田畝而來或從市井而起官常之位已著而僕隸之態
猶存是則將國家有數之品名給人臣無厭之私惠故
使父兄不敦教訓子弟不修藝業俾之從政徒只害民
若不急為更張已見積成弊倖欲乞今後帶職員外正
郎只許蔭敘一名子弟少卿給諫與二人丞郎三人尚
書四人僕射以上與五人致仕及物故各更與一人武

職等比類官品皇親母后之族及兩府大臣亦乞約立
人數乞特差近上臣僚定其久制以為萬世之法於是
汙又奏臣前日上殿曾有劄子乞差近上臣僚重定文
武班磨勘官資年限蔭子孫人數事已蒙聖旨送中書
訖竊見內侍省近年改官亦無定制率不踰紀便至使
名況國朝以來自有故事今半載之內四為防禦既無
殊績又匪年勞未知何名當此異寵復又奏蔭養男人
數不少伏望特降嚴命指揮令限年遷轉及約品蔭敘
為昌朝之永式汙又奏臣竊聞內侍別立主司中官自
通禁省有唐四品不通於典制五局兼著於令丞所以
分中閭之政不使挾外廷之議如此檢節尚至侵陵故
聖宋已來明制斯在太宗著合式之文真宗述箴規之

續資治通鑑長編

卷一百三十二

四

訓能詔近習各謹吹噓所繫安危尤如約束是以先朝
秦翰等數人履行端謹節義深厚心皆好善意不害人
出則總邊方之寄歸則守內庭之職俾之兼領亦不侵
官止守使名終無殊命今聞欲以都知押班之資升於
閣門引進之上顯國家之舊典起宦寺之威權況內殿
起居則別班朝集宴會則不豫安用異數竊據橫行蓋
因勾當局務之間多與文武官員同事爭列名銜自尊
位貌遂欲改革品秩僥冀寵榮誰敢厲階輒敗經制今
邊陲用武賞罰是先慎揀官資尚難激勸豈宜闢寺之
人更居侯伯之上切恐將帥之臣恥居其下策勸之際
不重此官大綱紊絕事亦非細伏望守祖宗之規式戒
左右之權倖則朝廷之福天下之幸也所有先降劄子

下閤門重定都知押班位乞更不施行汚又奏竊見天聖之間多有內降莫測貨緣盡由請託蓋頗邪之輩巧宦進身求左右之容僥榮濫賞假援中閤實玷朝直昔唐之敘封終汚國史洎景祐初元陛下勤政首革時弊澄清仕途天下之人抃足稱快近歲以來此路復起未得以何事迹達於聰明妨公起謗無甚於此中人佞人得以前意陰結所知率由斯道故有位臣僚引薦親戚干冒寵榮惟務奔趨不顧廉恥豈非風化使然伏望特發宸衷止絕內降如有合自中出之事令兩府及諸司依公執奏勿使阿諛上累聖明仍乞別降手詔戒告中外并五奏並據汚家集汚五奏皆與大臣忤又奏田况歐陽修張方平曾公亮蔡襄王素可任諫官自代此據畢仲

續資治通鑑長編

卷一百三十二

五

甲子汚罷左正言為工部員外郎提點兩浙路刑獄出內藏庫緡錢一百萬助三司給陝西軍費仍令轉運司聽商人於緣邊及內地入見錢給以香藥象牙鹽茶或與恩澤

乙丑贈皇長子為皇太傅封褒王賜名昉諡懷靖與豫王同葬於永安

丁卯罷陝西經略安撫緣邊招討都監

庚午龍圖閣直學士權三司使葉清臣知江甯府權知開封府天章閣待制吳遵路知宣州陝西都轉運使龍圖閣直學士姚仲孫權三司使知制誥賈昌朝為龍圖閣直學士權知開封清臣與遵路雅相厚而宋庠鄭戩

皆同年進士也四人並據要地銳於作事宰相以為朋黨請俱出之

辛未右諫議大夫參知政事宋庠守本官知揚州樞密副使右諫議大夫鄭戩加資政殿學士知杭州先是呂夷簡當國同列不敢預事唯諸書紙尾而已獨庠數與爭論夷簡不悅上顧庠頗厚夷簡忌之巧為所以傾庠未得及范仲淹擅通書元昊又焚其報夷簡從容謂庠曰人臣無外交希文何敢如此庠以夷簡誠深罪仲淹也他日於上前議其事庠遽請斬仲淹樞密副使杜衍力言其不可庠謂夷簡必助己而夷簡終無一言上問夷簡夷簡徐曰杜衍之言是也止可薄責而已上從之庠遂倉皇失措論者喧然皆咎庠然不知實為夷簡所賣也於是朋黨事與戩俱罷時西兵數剽上憂之欲遣輔臣戢請行不許職此必有說當考翰林學士兵部郎中知制誥王舉正為右諫議大夫參知政事舉正厚重寡言前一夕吏有報者舉正方燕居齋舍徐謂吏曰傳者必佞不然安得漏禁中語既入謝上曰卿恬於進取未嘗干朝廷以私故不次用卿樞密直學士右諫議大夫知益州任中師龍圖閣直學士給事中知河南府任布並為樞密副使先是布數上書論事帝欲用之呂夷簡薦中師才不在布下遂俱擢任或曰中師前罷廣州營納賂於夷簡於是樞密副使闕上謂夷簡用諫議大夫任姓者蓋指布也夷簡遂進中師名上徐曰今在西川夷簡因言中師可用乃并用兩人此據日記右諫

續資治通鑑長編

卷一百三十二

六

議大夫集賢院學士楊日嚴為樞密直學士知益州時
三司急財用有詔析戶版為十等第賦役名以歲租占
佃官田廬者高其估募輸錢就市為己業人苦其擾又
陝西奏收市益梓路溪洞馬而不知其實無馬也日嚴
皆奏罷之日嚴此舉恐自有時詔陝西經略安撫招
討使判永興夏竦屯鄜州同陝西經略安撫招討使知
永興軍陳執中屯涇州時兩人議邊事不合故分任之
王申徙知耀州龍圖閣直學士范仲淹知慶州兼管勾
環慶路部署司事初元昊反陰誘屬羌為助環慶酋長
六百餘人約與賊為鄉導後雖首露猶懷去就仲淹至
部即奏行邊以詔書犒賞諸羌閱其人馬立條約讎已
和斷輒私報之及傷人者罰羊百馬二已殺者斬負債

續資治通鑑長編

卷一百三十二

七

爭訟聽告官為理輒質縛平人者罰羊五十馬一賊馬
入界追集不起隨本族每戶罰羊二質其首領賊大入
老幼入保本寨官為給食即不入寨本家罰羊二全族
不至者質其首領諸羌受命悅服自是始為漢用知
慶州天章待制張奎為陝西都轉運使
癸酉內六班散都頭都知郭興等試武藝於崇政殿擢
興為左藏庫副使並優遷之
甲戌虞部員外郎監百里鎮酒務郭志高復為六宅使
涇原路都監尋以親喪復為虞部員外郎太常丞直
集賢院簽書陝西經略安撫判官田况上兵策十四事
一曰吳賊弄兵侵噬西蕃開拓封境偕叛之迹固非朝
夕始於漢界緣邊山險之地三百餘處修築堡寨欲以

收集老幼併驅壯健為入寇之謀初貢嫚書亦未敢擾
邊范雍在延州屢使王文思輩先肆侵掠規貪小利賊
遂激怒其眾執以為辭王師伐叛弔民之體自此失之
劉謙高繼嵩等破麗青諸族任福襲白豹城皆指為有
功者也無不殺戮老弱以為首級彼民皆訴冤於賊以
求復讎此皆吾民受制遠方而又使無辜被戮毒貫人
靈上下文移皆謂之打擄吁可媿也或謂國家久不能
用兵將卒未練欲使趨功驚利習於戰鬪爾然賊界諸
處設備甚謹屢見打族非利俘獲無幾陷沒極多如郝
仁禹打旺額族亡三百四人無所獲任政打納幹堡亡
一百九十三人秦鳳署司打隆博族亡九十六人各獲
首一級麟府軍馬司入賊界牽制亡三百八十八人斬

續資治通鑑長編

卷一百三十二

八

賊者十八其餘大亡小獲無足言者以此計之實傷挫
國威取賊輕侮自今宜且罷打族但嚴設守備以俟賊
至然後別為之策以破姦謀二曰自吳賊寇邊王師屢
戰不利非止人謀不善抑亦眾寡非敵近因好水川之
敗士氣愈怯諸將既沒牙隊之兵罪皆當斬朝廷普示
含貸欲為招集伸恩屈法事非獲已軍中相勸以退走
自全為得計陝西雖有兵近二十萬戍城寨二百餘處
所留極少近又欲於鄜延環慶涇原三路各抽減防守
駐兵於鄜慶渭三州大為屯聚以備賊至然今鄜延路
有兵六萬六千餘人環慶路四萬八千餘人涇原路六
萬六千餘人除留諸城寨外若逐路盡數那減屯聚一
處更會合都監巡檢手下兵併為一陣極不上三二萬